



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1513943

**ՀՀ ՀԱՐԿԱՅԻՆ ՕՐԵՆՍԳՐՔԻ 410-ՐԴ ՀՈԴՎԱԾԻ 3-ՐԴ ՄԱՍՈՎ ՍԱՀՄԱՆՎԱԾ
ՊԱՏԱՍԽԱՆԱՏՎՈՒԹՅԱՆ ԿԻՐԱՌՄԱՆ ՎԵՐԱԲԵՐՅԱԼ**

10 նոյեմբերի 2021թ.

ք. Երևան
(կազմման վայրը)

Ակտի հասցեատեր

Ա/Ձ ՔՆԱՐԻԿ ԶԻՐՈՅԱՆ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

3	5	1	6	9	1	3	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Անդրանիկի 82 26

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 03.09.2021թ-ի թիվ 1513943 որոշման համաձայն Ա/Ձ Քնարիկ Զիրոյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 25.10.2021թ-ին ժամը 11:40-ի սահմաններում, ք. Երևան, Անդրանիկի 82 26 հասցեում գտնվող արտադրամասից դուրս է եկել «Ֆիատ» մակնիշի 36 ZG 872 հաշվառման համարանիշի ավտոմեքենան և ժամը 10:45-ին սահմաններում կայանել է ք. Երևան, Անդրանիկի 88/4 հասցեում գործող Ա/Ձ Սուսաննա Սահակյանի (ՀՎՀՀ՝ 28063396) առևտրի կետի դիմաց: Այնուհետև Ա/Ձ-ի Քնարիկ Զիրոյանի կողմից նշված ավտոմեքենայից առաքիչի միջոցով Ա/Ձ Սուսաննա Սահակյանին իրականացվել է՝ ընդամենը 4.370 ՀՀ դրամ ապրանքների մատակարարում՝ առանց համապատասխան ուղեկցող փաստաթղթերի մասնավորապես՝

1. Հաց «Մատնաքաշ» 10 հատ*160=1.600 ՀՀ դրամ,
2. Հաց «Հրազդան» 12 հատ*160=1.920 ՀՀ դրամ,
3. Հաց «Մոխրագույն» 5 հատ*170=1.920 ՀՀ դրամ,

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 4.370 ՀՀ դրամ արժողությամբ ապրանքների մատակարարման համար Ա/Ձ-ի կողմից 25.10.2021թ-ին ժամը 11:40-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է Ա/Ձ-ի Քնարիկ Զիրոյանի կողմից 25.10.2021թ-ին տրված գրավոր հայտարարությամբ:

Թիվ 1513943 արձանագրությամբ 27.10.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 08.11.2021թ-ին նշանակված վարչական

վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում Ա/Ձ Քնարիկ Զիրոյանի կողմից ՀՀ հարկային օրենսգրքի 57-րդ հոդվածով սահմանված ապրանքի տեղափոխման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ Ա/Ձ Քնարիկ Զիրոյանը 08.04.2021թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 3-րդ կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

2) հարկային տարվա ընթացքում պետական գրանցում ստացած առևտրային կազմակերպությունը կամ որպես անհատ ձեռնարկատեր հաշվառված ֆիզիկական անձը՝ համապատասխանաբար, որպես կազմակերպություն պետական գրանցման կամ որպես անհատ ձեռնարկատեր հաշվառման օրվանից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև համապատասխանաբար՝ որպես կազմակերպություն պետական գրանցման կամ որպես անհատ ձեռնարկատեր հաշվառման օրվան հաջորդող 20-րդ օրը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն: Սույն կետի կիրառության իմաստով՝ վերակազմակերպման արդյունքում նոր ստեղծվող կազմակերպության կամ կազմակերպությունների (բացառությամբ միացման ձևով վերակազմակերպման դեպքում այն կազմակերպության, որին միանում են այլ կազմակերպություն կամ կազմակերպություններ, և առանձնացման ձևով վերակազմակերպման դեպքում այն կազմակերպության, որից առանձնանում են այլ կազմակերպություն կամ կազմակերպություններ) համար պետական գրանցում է համարվում նաև կազմակերպությունների վերակազմակերպման պետական գրանցումը:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազօծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազօծելիությունն ապահովող էլեկտրոնային սարքի ապրանքների

մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

Վերը նշվածից ելնելով փաստում ենք, որ Ա/Ձ Քնարիկ Ջիրոյանի, 08.04.2021թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2021թ-ի ապրիլի ութից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 27.10.2021թ-ի թիվ 1513943 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. ՀՀ ՊԵԿ ՀՕՀ վարչության 27.10.2021թ-ի թիվ 1513943 արձանագրության հիման վրա Ա/Ձ Քնարիկ Ջիրոյանի նկատմամբ կիրառել նախազգուշացում՝ հարկային պատասխանատվության տեսակը:

2. Ընդունել ի գիտություն՝

- 1) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 2) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 3) Սույն վարչական ակտը կազմվել է երեք օրինակից:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄԱՅԱԿԱՆՅԱՆ

Միաժամանակ տեղեկացնում ենք, որ ՀՀ Հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը կիրառելուց հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

